


Автобиографияны пазары



Тоғыс чооғының стильлери тоғыста, правода паза устағ-пастағда тіл алызарға киректелчеткен чоох стильлери полча.

Аның көрімнері:

- үлгү төстепчеткен — хазна киректерінең устирында паза чонны законнардаң таныстырарында киректелче;

- тоғыс аразындағы — тоғыс аразында алай халых чон аразында тіл алызарға паза пічіктер тимнирінде тузаланылча.

Тоғыс стильлінің өөн тексттері — хазна пічіктері полчалар: законнар, чарлағлар, искіріглер, протоколлар, пічіктер пазары, сурыныс пічии, чарадығлар, резюмелер, автобиографиялар, ан.пасх.

Тоғыс стильлінең пазылған пічіктер хысхацахти пазылчалар, анда өөн не искіріг пирилче.

Пу стильге килістіре тимде сөс пірігістері тузаланылча: *алгызыбыс читірчебіс, Сігерге искірчебіс, нандырығ пирчебіс.*

Иділістең пүткен адалыстар киректелче: *искіріг, нандырығ, сурығ.*

Сөстер көні тузальғлар, тілнің хоос оңдайлары, кізінің көңнін таныхтапчатахан сөстер чох полча.

Тоғыс стильлінең пасчатсалар, хазнаның, учреждениенің аттарын, ноо күнде, хайда ол пічік алылғанын толдыразынаң пазарға кирек.

Автобиографияны пасчабыс: өөн правилолар

Автобиография пазарында хатыҕ кирексінистер чоҕыл, че пу чачын тоҕыс документациялырының санына кірчеткен үчүн, аны пүдірер тиксі правилолар хайди даа киректер. Ниме чарыдарға кирек аның істінде:

Автобиография аллыҕ, хысха, че оңарылыстыҕ поларға кирек. Аның улии — 1-2 лист. Өөнінде улуҕ «сочинениелер» прай хығырылбин халчалар паза авторның турыстыҕ сарин толдыразынаң чарытпинчалар — удаа тоғыр-пасха салтар читче.

Искірігні чарытчатхан форма — тоҕыс чооҕының стилы. Автобиография алчаас чоох пазыларға кирек. Пу документнең танысчатса, өөн хайыҕ салылча пазылған текстке нимес, че — искірігні чарытханына. Аннаңар орта пасханы, пазылғанның «ниик» формазы хығырчатхан кізінің алнында чахсы баллар алып аларға полызар.

Автобиографияны тимнирінде изерістіре пазар оңдайларға тудынарға кирек — текст логика саринаң изерістіре пүдірілерге кирек. Көзідімге алза, школаданар чоохтаза, үгретчее, үгредіг тузын чарытпин, сах андох тоғыстанар пазып пастиры орта полбас.

Өөн чардых — прай көзіткен искіріглер сын поларға киректер. Хайдаҕ даа сын нимес искіріглер, іле сых килзе, сірерге улуҕ проблемалар ағыларлар, ол санда постың тоғынар имиджін чидірерін.

Автобиографияны пазарына көзідімнең танысчабыс

Автобиография (көзідім)

Мин, Сагалаков Сергей Петрович, күрген айының 25-чі күнінде 1987 чылда Ағбан городта төреем. 1994 чылда Ағбандағы 2 № ортымах школазар үгрергерге кіргем. үгредіг тузында мин спортнаң айғасхам (баскетбол кружогы, волейбол кружогы). Хакас литературазының город синіндегі олимпиаданың

призеры полғам. Хакас тілінең Республика синінде олимпиаданың чиңісчизи полғам.

2004 чылда школаны маңнаныстығ тоозып, Ағбандағы Н.Ф. Катановтың адынаң Хакас Хазна университетінің Соян-Алтай паза тюркология институтының Хакас пөлиинзер кіріп алғам. 2009 чылда ХГУ-ны хызыл дипломға тоос салғам. Олох чылның үртүн айынаң сығара пүүнги күнге теере Ағбандағы 24 № школада хакас тілі паза литературазы үгретчизи полып тоғынчам.

Хакас, орыс паза англия тіллерін чахсы пілчем.

Гражданство: Россия Федерациязының гражданині полчам. Пасха гражданством чоғыл.

Военнообязаннай полчам. Воинскай адым — сержант.

Чарғылатханы: Чарғаа тартылбаам.

Семейнай положение: ипчлігбін.

От айынын 4-чі күнінде 1989 чылда төреен Анна Ивановна Саражакованан хоних хон салғам. Ол төреен Хызылчар городта, пөзік юридическай үгредіг алған, юрист полып тоғыча. Чуртапчатханы орны: Ағбан город, Щетинкин орамазы, тура 20, квартира 12 миннең хада. Палалар чоғыл.

Хоза искиріглер:

Пабам: Сагалаков Петр Михайлович, күрген айының 13-чі күнінде 1967 чылда Ағбан городта төреен, Томск городта пөзік технической үгредіг алған, өөн инженер полып тоғынча. Чарғаа тартылбаан.

Іцем: Сагалакова Мария Александровна, орғах айының 16 күнінде 1968 чылда Асхыс аалда төреен, Ағбан городта пөзік педагогическай үгредіг алған, үгретчі полып тоғынча. Чарғаа тартылбаан.

Харындазым: Сагалаков Карим Петрович, көрік айының 30-чы күнінде 1998 чылда Ағбан городта төреен. Пүүнги күнде Ағбандағы Николай Федорович Катановтың адынаң Хакас хазна университетінің журналистика факультедінде 1-ғы курста үгренче. Чарғаа тартылбаан.

Чуртапчатхан орыннары: Ағбан город, Кадышев орамазы, тура 22.

Телефон: +79831645612.

Ниме чарыт саларга чарир студентке поэының автобиографиясында?

Ўгредідегі чидіглердең пасха, ўгредіг тузында апарылған научнай тоғыстардаңар искіріг пирерге кирек. Ідөк конференцияларда араласханынаңар, ўгредіг заведениенің общественной чуртазынаңар, производственной практикадаңар хысхачах искіріглер пирерге кирек.

Студентке поэының автобиографиясында ўгредіг ниик парчатханын, пілістер пөзік синде алылчатханын чарыдарға кирек. Ідөк активной чуртас поэициязына, курстардағы ўгредіге, спортха, конкурстарда паза общественной чуртаста араласханына өөн хайығ айландырарға кирек.

Тузаланған литература

1. https://l.facebook.com/l.php?u=https%3A%2F%2Fwww.papajurist.ru%2Fjob%2Fkak-napista-avtobiografiu-obrazets%2F%3Ffbclid%3DIwAR0vkOce0KiWN0KzfWY_xpwSqbpz-fs1DBM2p0dfaYRRmqvhSxsZhvKz7xE&h=AT3W22qiN52xKtlkf_aDebUbZiGtVnaH7byfW2a22GzwqJxZzEa-jTqV3xV0YF1o2XOifdcEEjS_Bq_ZT9jiMDGNldoRVRJBevvV28RO3rdgOUsMbPDeodvJVyg_7djdKyaQ
2. Хакасский язык. 10-11 кл.: Учеб. Для учащихся общеобразовательных учреждений (филологический профиль). - Абакан: Хакасское кн. издательство, 2007. - С.278-280.